

M. L. Taczanowski
Hononage de l'autur.



S. 1140

Araeae nonnullae
Nova Hollandiae.

J. Thorell




Jul. do 1. 16309

S. 2511

Fr. 8.1.59 rain.org.pl

Öfversigt af Kongl. Vetenskaps-Akademiens Förfärlingar, 1870. N:o 4
Stockholm.

opus nro 3160



Araneæ nomina llæ Novæ Hollandiae descriptæ

a

T. THORELL.

[Meddeladt den 13 April 1870.]

Fam. EPEIROIDÆ.

Gen. *Epeira* (WALCK.) 1805.

*E. thryidota*¹⁾ N.

Ferruginea, pedum internodiis plerisque apice infuscatis; abdomen luteo, area magna dorsuali rhomboidi sub-castanea, et supra tuberculis tribus, duobus humeralibus, tertio supra-anali, munito; ventre macula magna sub-rectangula flava, aream transversam nigram includenti. — ♀ jun. (?), long. c:a 11 millimi.

Descr. ♀. — *Cephalothorax* (c:a $4\frac{1}{2}$ millim. longus, $3\frac{1}{2}$ latus, latit. frontis c:a $2\frac{1}{2}$ millim.) altior, convexus, cum sterno, mandibularum dorso pedibusque (præsertim subtus) pilis longis crassis sparsus, parte cephalica lata et antice rotundato-truncata, in tuberculum obtusum, declive, *oculos* 4 medios gerens elevata; hi oculi in quadratum ordinati, multo altius locati quam oculi laterales, spatioque inter se distantes, quod oculi diametrum æquat. Oculi laterales sub-contingentes: antici eorum vix sua diametro a margine partis cephalicæ distantes, postici reliquias oculis minores; laterales a mediis spatio plus duplo majore remoti, quam quo distant medii inter se; medii antici cum lateralibus etiam posticis, ab antice visi, seriem paullo procurvam designant. *Sternum* ovato-cordiforme. *Mandibulae* cylindrato-conicæ, crassitie femorum anteriorum, latitudine fere duplo longiores (2 millim. longæ), in dorso ad basin fortius convexæ. *Maxillæ* breves, sub-orbiculatæ, apice late truncato. *Labium* transversum, apice late ro-

S. 114

¹⁾ θυρίδωτος, fenestratus.

tundato-truncato. *Palpi* cephalothorace paullo breviores, crassitie metatarsorum, parte tarsali versus apicem sensim angustata. *Pedes* mediocres, prop. 1, 2, 4, 3, 1:mi paris cephalothorace fere 3:plo et dimidio longiores (16 millim.; 2:di paris 14, 3:tii 8 $\frac{1}{2}$, 4:ti paris 13 millim. longi); pilosi et aculeati. *Abdomen* latius triangulari-ovatum, antice angulato-sub-productum, posteriora versus lateribus leviter tantum rotundatis angustatum, postice, a latere visum, fere ad perpendiculum truncatum, supra minus convexum, pilis longis crassis sparsum et tuberculis 3 minoribus munitum: 2 humeralibus, mucrone parvo obtuso corneo auctis, 3:to supra anum sito; infra hoc tuberculum quartum adest.

Cephalothorax cum *mandibulis* et *pedibus* ferrugineus, parte cephalica in medio cum tuberculo oculorum infuscata; femora omnia, tibiæ, metatarsi tarsique pedum saltem 4 posteriorum apice infuscata. *Sternum*, *maxilla* et *labium* testaceo-fusca. *Palpi* ferrugineo-testacei. *Abdomen* supra luteum vel sub-testaceum, area magna (inter tria tubercula dorsuaria) rufescenti-fusca vel castanea, antice in angulum producta ibique in ipso apice macula fusca signata, posteria versus acuminata, ad formam igitur rhomboides; hec area in lateribus utrinque linea sinuosa fusca, extus albicanti-marginata, a tuberculo humerali ad tuberculum anale superius dueta, definitur. Latera abdominis infra et postice fasciis obliquis flavescentibus, lineis angustis fusciis disjunctis, picta; venter in medio niger dicendus, figura magna, flava, sub-transversa, antice (ad rimam genitalem) posticeque truncata, maculam vel fasciam transversam sub-rectangulam nigram includenti; maculæ duæ flavæ utrinque apud mamillas quoque conspiciuntur.

♂ ad. (verisimiliter hujus speciei) a ♀ valde diversus: cephalothorax (4 millim. longus, 3 $\frac{1}{2}$ latus) antice magis angustatus, fuscus, parte cephalica clariore; corpus subtus cum partibus oris et pedibus fuseius quoque quam in ♀. Oculi laterales tuberculo acuto, prominenti impositi; 4 medii aream antice paullo latiore occupantes; series antica paullo recurva. Palporum pars tibialis transverse valde dilatata, plus duplo latior quam longior. Clava crassitie femorum anticorum, bulbo valde complicato, subtus procursu angusto, compresso, sub-curvato, deorsum directo, testaceo præsertim conspicuo. Coxæ 1:mi paris in apice extus dente crasso, obtuso, sub-incurvo armatae; tibiæ 2:di paris intus versus apicem valde incrassatae (apice ipso rursus sensim angustato), ordinibus tribus spinarum fortiorum, tuberculis impositarum. Omnia femora subtus serie spinarum longiorum instructa. Abdomen ad formam fere ut in femina, tuberculis 3; supra minus distincte pictum, macula media antice ante tubercula humeralia fusca, colore flamenti limitata; pictura ventris ut in femina, at minus expressa.

Exempla duo hujus speciei, unum masculum, alterum femineum, cum reliquis hoc loco descriptis araneis, a Celeberrimo R. LEUCKART dono mihi datis, in Nova Hollandia collegit Dom. PESSLER. Omnes in spiritu vini asservatae.

Fam. THERIDIOIDÆ.

Gen. *Lathrodetus* WALCK. 1805.1. *L. Hasseltii* N.

Testaceo-fuscus, pedibus longis, late testaceo-annulatis, abdominis dorso ad basin maculis duabus, supra petiolum appropinquantibus, flavis, tum macula media et demum vitta media longitudinali ad anum ducta, flavis; lateribus abdominis fasciis flavis obliquis notatis; ventre fusco vel nigro, macula magna oblonga flava, antice truncata, versus medium angustata, postice fere tricuspidi notato. — ♂ ad., ♀ jun.; long. 4—4½ millim.

Descr. ♀ jun. — *Cephalothorax* inverse cordiformis, dimidia tibia 1:mi paris paullo longior (1½ millim.), paullo longior quam latior, clypeo longitudine areæ oculorum mediorum vix dimidio altiore, paullo rotundato-prominenti, a latere visus leviter modo convexo; supra modice convexus, tovea ordinaria media magna, pone coxas 2:di paris locata. *Sternum* angustius cordiforme. *Oculorum* series dueæ, quarum postica longior est, extremitatibus paullo appropinquantes, desuperne visæ paullo recurvæ, præsertim anterior. Oculi laterales inter se spatio distant, quod minus est quam spatium inter oculos medios anticos et posticos, et spatium inter anticos laterales et medios æquat¹⁾. Oculi 4 medii aream fere quadratam, antice parum angustiorem, occupant; spatium inter oculos 4 posteriores diametrum oculi æquat, inter 4 anteriores paullo minus est. *Mandibulae* plus duplo longiores quam latores, angustæ, sub-cylindratae, crassitie fere tibiæ, dorso recto, ungue breviore, tenui. *Maxillæ* in labium inclinatae, in latere exteriore rotundatae, intus ante labium lateribus rectis parallelæ, conjunctim apice rotundatae. *Labium* sub-transversum, sub-triangulum, apice late rotundato. *Palpi* tenues, cephalothorace breviores; unguis eorum tenuior, levius curvatus, dentibus paucis magnis subtus pectinatus. *Pedes* longi, graciles, prop. 1, 4, 2, 3: 1:mi paris cephalothorace circiter 6:plo longiores (10 millim.; 2:di paris 6½, 3:tii 4¾, 4:ti 8¼ millim. longi); femur 1:mi paris c:a 3½, patella 1, tibia 2½, metatarsus 3, tarsus 1½ millim. longus. Ungues tarsorum superiores non fortes, versus medium angulo obtuso deflexi, apice longo, parum curvato, subtus sub-incrasato; dentibus paucis (c:a 4), gradatim longioribus et fortioribus multo, armati sunt; unguis inferior non multo brevior est quam

¹⁾ Species quædam generis *Lithyphantis* THOR., e. gr. *L. dispar* (DUFOUR) sive *Phrurolithus lunatus* C. KOCH, *Lathrodetis* simillimæ sunt: in illis tamen oculi laterales inter se spatio multo minore remoti sunt, quam quo distant laterales antici a mediis anticis; in *Lathrodetis* spatium inter oculos laterales saltem æque fere magnum est atque inter anticos medios et laterales, sœpe hoc spatio majus. Clypeus in gen. *Lithyphante* transverse impressus, non ut in *Lathrodetis* convexus.

superiores, et dentibus duobus, exteriore crassiore, munitus; unguis spurii duo (hæc omnia in pedibus 1:mi paris). *Abdomen* oblongum, ovatum, satis altum, c:a $2\frac{1}{4}$ millim. longum. *Mamillæ* breves, conicæ; inferiores paullo longiores et fortiores quam superiores.

Cephalothorax testaceo-fuscus. *Sternum* ejusdem coloris, linea media ad longitudinem ducta testacea. *Mandibulae* testaceaæ. *Maxilla* et *labium* testacea, basi fusciora. *Palpi* testacei. *Pedes* fusti, femoribus saltem posticis et tibiis basi testaceis, metatarsis et tarsi testaceis, illis apice et basi anguste infuscatis, his apice tantum fuscis. *Abdomen* fuscum, maculis vel fasciis abbreviatis duabus flavis, postice latioribus, apicibus supra petiolum appropinquantibus, aream subtriangulam, postice macula flava media sub-transversa notatam, includentibus; pone hanc maculam vitta flava, posteriora versus late nigromarginata, antice utrinque incisa, usque ad anum ducta est; latera abdominis fasciis obliquis flavis circiter 4 parallelis notantur, ut et vitta brevi longitudinali flava ante primam earum sita et cum ea angulum acutum formanti. *Venter* fuscus, postice niger, macula magna oblonga flava, antice truncata, versus medium angustata, apice postico lato in medio acuminato-producto; pone maculam puncta duo flava cum duabus aliis ad latera mamillarum sitis trapezium longius quam latius designant. *Mamillæ* fusco-testaceaæ.

Mas *adultus*, æquè magnus atque ♀ jun. supra descripta (long. cephalothoracis $1\frac{1}{2}$ millim.), pedibus etiam longioribus, unguibus tarso-rum debilioribus, mandibulis apicem versus magis angustatis et subdivaricantibus, ordinibus oculorum apicibus evidenter appropinquantibus, palporumque structura differt. *Pedes* 1:mi paris c:a 13, 2:di 8, 3:ti $5\frac{3}{4}$, 4:ti 11 millim. longi. In pedibus 1:mi paris femur (ad maximam partem testaceum) $3\frac{1}{2}$, patella 1, tibia $3\frac{1}{4}$, metatarsus 4, tarsus $1\frac{1}{2}$ millim. *Palpi* breves, testacei, clava fusciori, parte patellari brevi, nodiformi, tibiali brevissima, in procursum foras et sursum directum, parti tarsali sive laminae bulbi arte adjacenti producta, cum parte illa in clavam magnam, fere semi-globosam, diametro femoris duplo latiore concreta: clavæ superficies magna apicalis helice maxima, gyris c:a 4, e seta longissima formata occupatur; pone et intra hanc helicem, et ab ea proculu laminæ interiore longo, angusto, deorsum directo separata, alia seta longa tortuosa conspicitur.

L. (Tetraynathæ) zorillæ (WALCK.)¹⁾ sive *L. dotato* C. KOCH²⁾ ex America septentrionali hæc species affinis esse vide-tur. Specimen unicum utriusque sexus vidi.

2. *L. scelio* N.

Niger, tenuiter pubescens, cephalothorace tibiis anticis mani-feste breviore, ordinibus oculorum non divaricantibus, pedibus

¹⁾ Hist. Nat. d. Ins. Apt., II, p. 221; Atlas, Pl. 19, fig. 2. D.

²⁾ Die Arachn., VIII, p. 115, Tab. CCLXXXIV, fig. 683.

nigris vel piceis, abdome supra vitta longitudinali flava, ante medium dorsi orienti et usque ad mamillas ducta notato; ventre macula magna flava, in medio angustata, antice posticeque truncata. — ♀ ad., long. c:a 10 millim.

Var. ♂. Abdomen, præter vitta media, strigis parvis flavis 2-3 utrinque in latere dorsi antice, et præterea interdum macula minore media flava ante vittam notatum.

Deser. ♀. — *Cephalothorax* inverse cordiformis, c:a 3½ millim. longus, 3 latus, in lateribus antice leviter, postice fortiter rotundatus, parte cephalica antice angustata, fronte fere 1½ millim. lata; fovea ordinaria magna, centrali, sub-transversa; impressionibus cephalicis profundis. *Clypeus* area oculorum 4 mediorum c:a duplo altior, mox sub oculos retusus, supra mandibulas prominens, a latere visus geniculato-convexus. *Sternum* latum, cordiforme, antice late truncatum. *Oculi* sub-æquales, in series duas sub-parallelas, extremitatibus parum appropinquantes dispositi; series postica longior, ambæ desuperne visæ paullo recurvæ, præsertim antica. Oculi laterales, ut posteriores medii, inter se spatio oculi diametrum æquanti distant; medii antici, tuberculo communis impositi, spatio hac diametro minori, reliqui oculi vero ea majori inter se distant; 4 medii aream occupant antice paullulo angustiorem, vix longiorem quam latiorem. Spatium inter oculos laterales æque magnum atque (non majus quam) spatium quo distant laterales antici a mediis posticis. *Mandibulæ* duplo longiores (1½ millim. longi) quam latiores, longitudine faciei altitudinem fere æquantes, quam tibiæ angustiores, sub-cylindratae, dorso recto, immo sub-concavo; ungue parvo, tenui. *Maxillæ* in labium inclinatae, extus fortiter rotundatae, intus ante labium lateribus rectis parallelæ, disjunctæ, conjunctim apice rotundatae. *Labium* basi paullo latius quam longius, sub-triangulum, apice tamen late rotundato-truncato¹⁾. *Palpi* tenues, breves (3 millim.), cephalothorace breviores; ungue graciliore, parum curvato, dentibus c:a 5 sensim longioribus, longis et fortibus armato. *Pedes* longi, prop. 1, 4, 2, 3; 1:mi paris cephalothorace circiter 5:plo et dimidio longiores (21 millim.; femur 6, patella 1½, tibia 4½, metatarsus 6, tarsus 2 millim.); 2:di paris 13½, 3:tii 11½, 4:ti 19 millim. longi. Tibiæ 1:mi paris quam patella circiter duplo et dimidio longiores: posticæ extus paullulo incrassatae. Ungues tarsum superiores fortiores, versus medium deflexi et leviter curvati, extremitate longo, forti, subtus paullo incrassato, dentibus paucis (c:a 5) gradatim longioribus et fortioribus armati (in pedibus 1:mi paris); præter unguis veros unguis quoque spurios (4) exhibet tarsus.

¹⁾ Hanc fere formam *labium* in toto genere *Lathrodecto* fortasse habet; interdum vero ante *labium* *labrum* — quod in plerisque araneis est occultum — ei adjacet et pars ejus esse videtur: hinc talis descriptio labii in *Lathrodectis*, qualem e. gr. apud WALCKENAERIUM legimus: »Lèvre triangulaire, grande et dilatée à sa base» (H. N. d. Ins. Apt., I, p. 612).

Abdomen magnum, æque fere latum et altum (usque ad 7 millim.) atque longum (ad $7\frac{1}{2}$ millim.), sub-globosum, ad mamillas conico-acuminatum; vulva ex area convexa cornea, antice rotundato-augustata, postice aperturam transversam exhibenti constat. *Mamillæ* breves, inferiores conicæ, reliquis paullo longiores et fortiores.

Cephalothorax niger, sub-luteo-pubescent. *Sternum* et *oris partes* nigra quoque. *Palpi* picei. *Pedes* nigri vel nigro-picei, extus picei, apice articulorum nigro. *Abdomen* nigrum vel fuscum, nigro-pubescent, vitta longitudinali, ante medium dorsi initium capienti ibique utrinque incisa vel angustata, usque ad anum pertinenti. In uno exemplo (juniore) paullo ante hanc vittam adest macula media minor sub-transversa et utrinque striæ 2 parvæ obliquæ, angustæ, ut et supra petiolum utrinque litura quædam: tota hæc pictura abdominis flava (an in vivis rufa?) Venter nigricans, vulva nigra; macula magna inter vulvam et mamillas conspicitur æque circiter longa ac lata, antice posticeque late truncata, in medio utrinque in formam trianguli excisa vel angustata, ex triangulis duabis, apicibus late truncatis conjunctis, quasi formata, vel elepsydræ latæ fere similis, flava vel fulva (in vivo aranea rubra?)

Tria specimina femininea, quorum duo adulta, possideo. — Exemplum in Museo Holmiensi asservatum abdomen *totum nigrum* habuisse videtur. — Fortasse eadem est hæc species, atque *L. mactans* (FABR.) ex America Septentr.; de eo tamen dicit WALCKENAER¹⁾: »*L. mactans* a tous les caractères du genre»; inter notas vero generis hanc recepit: »yeux latéraux un peu plus écartés entre eux que ne le sont les intermédiaires»²⁾; quod in nostram araneam non convenit.

Formæ generis *Lathrodeti* pleræque hucusque descriptæ inter se simillimæ sunt, et ad paucas tantum veras species fortasse referendæ. DUGÈS³⁾ cum *L. 13-guttato* (ROSSI) sive *L. malmignatto* WALCK. ut hujus speciei varietates conjunxit *L. Argum* SAV. et AUD. (*L. oculatum* WALCK.), *L. venatorem* SAV. et AUD. et *L. lugubrem* DUF. sive *L. Erebum* SAV. et AUD.; et, quod ad *L. Argum* saltem et *L. lugubrem* attinet, rectum eum ita fecisse probabile mihi quidem videtur⁴⁾: *L. martius* SAV.

¹⁾ Hist. Nat. d. Ins. Apt., I, p. 649.

²⁾ Loc. cit., p. 642.

³⁾ Observ. sur les Aran., in Ann. d. Sciences Nat., 2 Sér., Zool., VII, p. 196.

⁴⁾ In *L. venatore* oculorum series extremitatibus paullo appropinquare videntur, non, ut in *L. 13-guttato*, divaricare: vid. Descr. de l'Egypte, Atlas, Arachn., Pl. 3, fig. 11.

et AUD. fortasse etiam varietas modo est *L. 13-guttati*¹). VAN HASSELT multas alias formas quoque varietates *L. 13-guttati* putat: *L. perfidum* WALCK., *L. mactantem* (FABR.), *L. formidabilem* WALCK., *L. variolum* WALCK., aliasque²). Fere omnes hæ »species» multo imperfectius descriptæ sunt, quam ut ex descriptionibus (et figuris, si quæ adduntur), ad colorem fere unice spectantibus, equidem dijudicare auderem, quænam earum sint species, quænam tantum varietates. — Oculorum tamen situs non in omnibus Lathrodetis idem est: in plerisque oculi laterales longius quidem inter se distant quam medii antici a mediis posticis, in nonnullis vero *non* longius. Variant altitudo et forma clypei, forma abdominis (sub-globosi, piri fere similis, oblongo-elliptici vel sub-ovati), variat densitas pubis et pilorum, cet. In specie quadam, quam nunc ante oculos habeo, tibia I:mi paris duplo tantum longior est quam patella; in alia plus duplo quidem longior est quam patella, sed non longior quam cephalothorax; in formis supra descriptis longior quam cephalothorax est et plus duplo longior quam patella. In plantis et arboribus alii vitam degunt, ut e. gr. »*L. malmignattus* var. *tropica*», a VAN HASSELT (loc. cit.) descripta; alii sub lapidibus, lignis cet. Ad colorem multi inter se simillimi quidem sunt; sed in hoc genere, velut in aliis non paucis, pictura abdominis, etsi in una eademque specie valde varians, fere eadem esse potest in formis re vera distinctis — quod in *L. scelione* et *L. Hasseltii* supra descriptis vidimus. His de causis in synonymis Lathroectorum extricandis explicandisque cautio maxima certe est adhibenda; et nescio an primum necesse sit, *mares* eorum partesque genitales utriusque

¹⁾ Cum *L. 13-guttato* compaudi sunt quoque *L. 5-guttatus* KREYN. (= *L. hispidus* C. KOCH?). »Totus aterrimus, villosus, abdomine magno, globoso, supra thoracem tribus, ante tubos textorios binis, guttis sanguineis» (Vid. KREYNICK), Arachnogr. Ross. Decas prima, in Bull. de la Soc. Imp. d. Nat. de Moscow, Année 1837, N:o V, p. 75, Tab. VI, fig. 2); et *L. lugubris* (MOTSCH.): »Totus aterrimus, brevissime villosus, abdomine magno, globoso, punctis quatuor in dorso impressis; subtus leviter infuscato, ante tubulos textorios linea transversa sub-sinuata flava; tarsis infuscatis». (MOTSCHOULSKY, Not. sur deux Araign. venimeuses de la Russie mérid., ibid., Année 1849 (T. XXII), N:o 1, p. 290, Tab. II, figg. 3, 4).

²⁾ Conf. VAN HASSELT, Studiën over de z. g. Curaçaosche Oranje-Spijn, in Tijdschrift voor Entomologie, III, pag. 46—66, Pl. V, figg. 1—5.

sexus melius cognitas habere, antequam de formis tam arcta propinquitate conjunctis recte judicare possimus. Quæ quum ita essent, melius duxi, speciem supra descriptam novo nomine notare, quam aliquod antea datum et valde incertum usurpare.

Fam. ENYOIDÆ.

Gen. *Storena* WALCK. 1805.

S. formosa n.

Nigra, cephalothorace postice pedibusque rubris, abdomine supra maculis 5 flavis. — ♀ ad., long. 15 millim.

Deser. ♀. — *Cephalothorax* altus, 7 millim. longus, 4 latus, æque longus atque patella, tibia et metatarsus 2:di paris conjunctim, antice paullo tautum angustato, supra crasse impresso-punctatus et -strigosus, ordine media pilorum longiorum in parte cephalica; hac parte maxima, alte convexa, antice rotundato-producta; clypeo a latere viso cum mandibulis fere ad lineam rectam retro declivi, æque fere alto atque latitudo areæ oculorum, impresso-punctato; parte thoracica in lateribus leviter modo rotundata, sulco medio brevi longe pone centrum cephalothoracis sito. *Sternum* oblongius ovatum, cum *coris* subtus, *maxillis* et *labio*, longius pilosum. *Oculi* aream c:a $1\frac{1}{2}$ millim. latam, paullo breviorem quam latiorem occupant; series media, ex 4 oculis formata, recta: medii eorum, qui reliquis oculis sub-æqualibus paullo majores sunt, cum oculis seriei posticæ rectangulum paullo longiore quam latiorem formant; oculi 2 seriei antice longe disjuncti, oculum lateralem seriei mediæ magis quam medium appropinquantes, ab eo spatio remoti quod dimidiam diametrum oculi vix æquat. *Mandibulae* oblique retro directæ, ovato-cuneiformes, quam clypeus fere dimidio longiores (long. c:a $2\frac{1}{4}$ millim.; lat. earum communis ad basin: $2\frac{2}{3}$ millim.), in dorso rectæ, sub-planæ, crasse impresso-punctatae, sulco unguiculari nullo, ungue brevissimo, sub-recto. *Maxillæ* in labium inclinatae, non impressæ, versus apicem angustatae, extus rotundatae, intus sub-rectæ, apice acuminato-rotundato; *labium* longius quam latius, longitudine saltem $\frac{2}{3}$ maxillarum æquanti, versus apicem angustatum, ipso apice rotundato-acuminato. *Palpi* cephalothorace breviores (c:a $5\frac{1}{2}$ millim. longi), articulo tarsali cylindrato, ungue magno, leviter curvato, obtuso, deutibus paucis conicis subtus munito. *Pedes* prop. 4, 1, 2, 3, 4:ti paris cephalothorace c:a $2\frac{1}{2}$ longiores ($17\frac{1}{2}$ millim.) 1:mi paris $15\frac{1}{2}$, 2:di $13\frac{1}{2}$, 3:ti $12\frac{1}{2}$ millim. longi, tenuiter pubescentes et pilosi, aculeati: in 1:mi et 2:di paris pedibus non tantum femur (supra 1, 1, 1, antice 1) sed etiam tibia (2, 2, 2, subtus) et metatarsus (saltem 2, 2, 2, subtus) aculeati sunt; supra tibiæ et metatarsi 4 anteriores pilos 2 longos sub-erectos gerunt. *Pedes* 4 posteriores multo densius aculeati: patellæ eorum

aculeis multis brevissimis supra et in lateribus armatae sunt, sequentium articulorum aculei sensim longiores. Ungues superiores magni, fortes, modice curvati, dentibus fortibus numerosis (in pedibus 4:ti paris c:a 10 et 12) secundum majorem partem longitudinis pectinati; unguis inferior parvus, inuticus. *Abdomen* ovatum, postice sub-acuminatum, c:a 7 millim. longum, 5 latum, tenuiter pubescens, pilis aliquot longis in series secundum dorsum ordinatis. *Vulva* aream magnam, posteriora versus elevatam, sub-planam, postice in-eisam, sulcis duobus in tres partes divisam occupat: pars media, antice transverse dilatata, postice angusta, forma fere est trifolii sive clavis brevis capite latissimo prædicti, et utrinque alia parte extus et apice rotundata circumdatur. *Mamillæ* superiores brevissimæ, inferiores iis multo longiores, attamen breves, conicæ, articulis 2, 2:do brevissimo; mediae minutissimæ, ægre dignoscendæ.

Cephalothorax ad maximam partem niger, piecum vel caeruleum colorem sentiens, parte thoracica pone pedes 2:di paris rubra. *Sternum* rufo-fuscum, marginibus nigricantibus. *Mandibulae* nigro-piceæ; *maxillae* pieceæ, *labium* nigro-piceum: omnes hæ partes cum coxis subtus nigro-pilosæ. *Palpi* rufo-picei. *Pedes* rubri, aculeis saltem superioribus nigris; 4 anteriores extus rufo-pieci. *Abdomen* nigro-fuscum, maculis 2 rotundatis ad basin duabusque aliis versus medium paullo majoribus, eum prioribus trapezium postice latius formantibus, flavis: supra anum quinta macula flava sub-triangula adest. (Paullo pone maculas duas anteriores area vel macula parva rotundata glabra ferruginea conspicitur — an etiam in vivis?). Subtus fuligineum est abdomen, luteo-pubescens. *Mamillæ* sub-testaceæ.

Feminam unicam pulcherrimæ hujus araneæ possideo. Ab Enyoidis Europæis mihi cognitis differt pedibus robustioribus, tarsis articulo unguifero distincto parentibus, palpis apicem versus non incrassatis, mandibulis liberis, non versus basin coalitis, ut et mamillis inferioribus non parti cuidam communi basali impositis¹⁾. Mamillæ tamen inferiores, ut in reliquis Enyoidis, multo longiores sunt quam superiores et mediæ, quibus quo modo utatur aranea, haud facile dixerim.

Fam. AGALENOIDÆ.

Gen. *Miturga*²⁾ n.

Cephalothorax inverse ovatus, valde altus, supra undique convexus, impressionibus cephalicis nullis.

¹⁾ Conf. THOR., On European Spiders, p. 103. — In *En. affini* SIM. pars illa basalis (a latere visa) utrinque in margine exteriore et superiore procursum brevem obtusum, sursum directum ostendit!

²⁾ μίτρα, filum; ἔργον, labore.

Oculi 8, sub-æquales, in duas series parallelas sub-rectas vel paullo procurvas, non multo a margine clypei remotas, dispositi.

Mandibulæ fortes, oblongo-ovatæ, ungue mediocri, curvato.

Maxillæ parallelæ, ad basin sub-angustatæ, in latere exteriore rotundatae.

Labium late truncatum, maxillis duplo saltem brevius.

Pedes prop. 4, 1, 2, 3, aculeati, unguibus trinis: superioribus pectinatis, inferiore ad ipsam basin deflexo, mutico.

Abdomen longius ovatum, cephalothorace non multo majus; mamillæ 6, superiores longæ, reliquis duplo longiores, articulis binis sub-æqualibus, quorum 2:dus sub-acuminatus est et in apice et toto latere inferiore tubulis textoriis vestitus.

Mores ignoti.

Genus familie Agalenoidarum adnumerandum, etsi forma cephalothoracis unguiumque tarsorum magis cum Lycosoidis congruens.

M. lineata N.

Lutescenti-cinerea, partibus oris nigricantibus, cephalothorace in medio vittis tribus ad longitudinem ductis nigris aliaque vitta nigra minus distincta prope marginem utrinque; abdome supra fusco, antice lineis fuscis et sub-testaceis alternantibus, postice maculis sub-testaceis, in ordines duas versus anum appropinquantes dispositis, ornato. — ♂♀ ad. Long. ♂ c:a 20½ millim.; ♀ c:a 23 millim.

Deser. ♀ ad. — *Cephalothorax* c:a 10½ millim. longus, 6 millim. altus, latitudine ¾ longitudinis æquanti, lateribus partis thoracica rotundatis, fronte leviter rotundata, sat lata (c:a 4½ millim.); antice rotundato-declivis, postice abrupte declivis, dorso leviter arcuato-convexo, sulco medio ordinario angusto, postico, parum ante coxas 3:iii paris sito; impressionibus cephalicis omnino nullis. *Sternum* rotundato-ovatum. *Oculi* sub-æquales: series postica, desuper visa, recta, ab antice visa paullo procurva, et longior quam antica, quæ parum procurva est; oculi medii aream rectangularam paullo longioreum quam latiorem occupant; spatium inter oculos plerosque diametro oculi paullo minus est; oculi vero laterales inter se, ut et oculi medii antici a mediis posticis, spatio distant, quod oculi diametrum æquat; laterales postici a mediis posticis spatio haec diametro majore remoti sunt. *Mandibulae* femore antico crassiores, fortes, longæ (c:a 5 millim.), latitudine plus duplo longiores, paullo por-

rectæ, dorso convexo, sulco unguiculari utrinque dentibus 2 fortibus conicis armato; unguis mediocre, fortis, curvatus. *Maxillæ* paralleliter porrectæ, ad basin angustatæ, in latere exteriore rotundatae, in apice intus oblique truncatae, convexæ, ad latus interius leviter impressæ. *Labium* maxillis duplo saltem brevius, sub-quadratum, lateribus rotundatis, versus apicem late truncatum paullo angustatum. *Palpi* longitudine cephalothoracis, metatarsis anticis parum crassiores, pilosi et aculeati, articulo ultimo cylindrato, non acuminato: unguis eorum tarsorum ungue angustior, dentibus c:a 7 pectinatus, quorum 2 primi minuti sunt, reliqui gradatim longiores, fortes; apex unguis longus, fortis, curvatus. *Pedes* satis robusti, pilosi et aculeis appressis armati, prop. 4, 1, 2, 3; 4:ti paris cephalothorace paullo plus 3:plo longiores (c:a 34 millim.; 1:mi paris 29 $\frac{1}{2}$, 2:di 27 $\frac{1}{2}$, 3:ti 24 millim.). Tibia 4:ti paris patellæ duplo longior est, in reliquis pedibus brevior; metatarsus 1:mi et 2:di paris brevior, 4:ti paris fere longior est quam tibia; metatarsus 1:mi—3:ti paris c:a dimidio, 4:ti paris duplo longior quam tarsus. Tibiae et metatarsi omnes subtus et in lateribus, femora omnia, tibiae et metatarsi 4 posteriores supra quoque aculeis longioribus appressis, subtus per paria (3) ordinatis armati; patellæ, femora subtus, tibiae et metatarsi 1:mi et 2:di paris supra, aculeis carent; tarsi omnes et metatarsi saltem paris 1:mi—3:ti scopula densissima per totam longitudinem vestiti. Pili scopularum apice non dilatati. Ungues tarsorum superiores breves, fortes, in pedibus 1:mi paris dentibus c:a 4 fortibus, gradatim longioribus, sat brevibus instructi; apex unguis longus, fortis, profunde deflexus; in pedibus 4:ti paris paullo longiores et debiliores sunt hi unguis, dentibus c:a 6. Unguis inferior, visu difficilis, ad ipsam basin in aculeum rectum fortem deflexus est, dente nullo. *Abdomen* fere cephalothoracis magnitudine (c:a 11—12 millim. longum, 6—7 latum), longius ovatum; vulva ex area constat cornea, sat magna, fere rotundato-hexagona, quæ callo limitatur postice præsertim altiori et latiori, in medio postice impresso, et costas duas, figuram \wedge -formem fere assimulantes, amplectitur. *Mamillæ* superiores (c:a 2 millim. longæ) reliquis duplo longiores, longe et dense pilosi, art. 1:mo cylindrato, 2:do angustiore, versus apicem angustato, in apice et in toto latere inferiore tubulis textoriis sat parvis, cylindrato-conicis minus dense vestitus; mamillæ inferiores superioribus duplo breviores, articulis duobus, 2:do brevissimo, medii etiam paullo breviores et angustiores, cylindratae.

Cephalothorax fusco-cinereus, dense cinereo-pubescent, vittis tribus latis appropinquantibus nigris in medio, quarum media postice abbreviata est et linea tenui cinerea geminatur, due alteræ, posteriora versus sibi paullo appropinquantes, fere ad marginem posticem pertinent; præterea apud marginem utrinque vitta angustior, minus bene expressa, nigricans adest, ipso margine anguste cinereo. *Oculi* succinei coloris. *Sternum* rufescenti- vel fusco-cinereum. *Partes oris* nigro-fuscae, mandibulis cinereo-hirsutis. *Pedes*, ut *palpi*, fusco-vel rufescenti-cinerei, metatarsis extus et tarsis obscurioribus, coxis

omnibus in latere anteriore linea longitudinali impressa nigra distinctis; pilis densis cinereis, intermixtis nigris, vestiti, aculeis nigris. *Abdomen* subtus et in lateribus lutescenti-cinereum, dorso fusciore, antice lineis 3 clarioribus, cum fuscis alternantibus, ad longitudinem ductis, vix ad medium dorsi pertinentibus, postice vero ordinibus 2 (vel 3?) versus anum appropinquantibus, ex punctis majoribus luteo-cinereis formatis ornatum. *Latera abdominis* fusco-punctata. *Mamilla* sub-testaceæ.

Mas differt cephalothorace latiore, antice vero angustiore (in exemplo cuius cephalothorax 10 millim. longus est, frontis latitudo 4, lat. maxima vero $7\frac{1}{2}$ millim. æquat), *mandibulis* paullo angustioribus, dorso sub-recto, *abdomine* minore et præsertim angustiore, *pedibus* longioribus et gracilioribus (1:mi par. 22, 2:di 30, 3:tii 26, 4:ti $34\frac{1}{2}$ millim.), ut et *palpis*, qui cephalothorace paullo longiores sunt (10 $\frac{1}{2}$ millim.; pars femoralis c:a 4, clava c:a $3\frac{2}{3}$ millim. longa). Pedum pili longiores, magis patentes. Pars patellaris palporum c:a dimidio longior quam latior, extus sub-incrassata: pars tibialis hac parte paullo longior, vix crassior, paullulo incrassata, dentibus tribus fortibus in apice lateris exterioris armata, quorum ultimus acuminateus est, apice incurvo, reliqui duo obtusi. Lamina bulbis vel pars tarsalis ovata, latitudine patellam 1:mi paris æquanti; *bulbus* nigro-fuscus, procurso parvo, truncato, albicanti in apice ad latus exterius. Color præterea ut in ♀; palpi extus cum clava nigricantes, pedes extus quoque obscuriores et pictura abdominis minus distineta.

Specimina duo, unum masculum, alterum feminineum examinavi.

Fam. THOMISOIDÆ.

Gen. *Stephanopis* CAMBR. 1869.

S. Cambridgei n.

Cinereo-fuscus, cinereo- et nigro-sub-variatus, scaber, cephalothorace paullo longiore quam latiore, parte cephalica angustata, antice in tuberculum oculiferum rotundatum elevata, clypeo transverse impresso, mutico, integro, abdomen oblongo, supra modice et æqualiter convexo. — ♀ ad., long. c:a 10 millim.

Descr. ♀. — *Cephalothorax* inverse ovato-cordiformis, c:a 4 millim. longus, $3\frac{3}{4}$ fere latus, ad insertionem palporum valde angustatus, supra squamulis parvis spinisque brevissimis, crassis, obtusis scaber, parte thoracica postice truncata, in lateribus fortiter rotundata, supra fere plana (sed non humili), a margine postico sensim anteriora versus paullo declivi; parte cephalica parva, antice angustata, pone oculos transverse impressa et in tuberculum undique rotundatum, antice tamen fere perpendiculariter elevata, hoc tuberculo oculos gerenti, antice spinis parvis vel potius setis paucis crassis, sub-clavatis prædicto, qua-

rum 2 mediæ, valde appropinquantes, porrectæ sunt; impressionibus cephalicis postice in sulcos duos sub-parallellos abbreviatis productis, fovea vel sulco medio nullo, sulcis vero utrinque 2 vel 3 radiantibus minus distinctis; elypto fere perpendiculari, sub oculos transverse impresso, scabro, altitudine dimidiam mandibulæ longitudinem fere æquanti. *Sternum* circulatum, squavis parvis tectum. *Oculi* fere in series tres ordinati: 4 posteriores sub-æquales, inter se spatio fere æquali et diametro oculi paullo majore distantes, in parte tuberculi oculiferi postica seriem (desuperne visam) rectam formant; 4 anteriores in latere tuberculi antico in trapezium postice (supra) multo latius, plus duplo latius quam longius, dispositi sunt; duo superiores horum oculorum reliquis majores sunt et ab oculis mediis et lateralibus seriei posticae æque distantes; duo inferiores vero reliquis oculis multo minores, minimi. Oculi medii seriei posticae cum oculis 2 seriei mediæ trapezium formant postice angustius, parum latius quam longius. *Mandibulæ* parvæ, metatarsis primi paris parum crassiores, cylindratae, latitudine fere duplo longiores, fere perpendicularares, in dorso scabrae, apice pilis paucis longis incurvis instructæ; ungue sat longo et fortis, levius curvato. *Maxilla* in labium inclinatae, oblongæ, sub-rectæ, in latere exteriore leviter sinuatæ, apice rotundatae; *labium* magnum, dimidia maxilla longius, basi latius, apice rotundato-truncatum. *Palpi* mediocre, crassitie metatarsorum anticorum, cephalothorace breviores ($3\frac{1}{2}$ millim. longi), parte tibiali parum longiore quam patellari, tarsali apicem versus angustata; squamosi et aculeati; unguis satis fortis, fortiter curvatus, apice longo, dentibus c:a 4 crassis, brevibus, obtusis munitus. *Pedes* vix laterogradæ, prop. 1, 2, 4, 3, dense squamosi et in femoribus supra spinulis sub-clavatis sparsi, supra lineis 2 longitudinalibus impressis; anteriores 4 fortiores quam 4 posteriores; 1:mi paris præsertim fortes, femoribus medio sub-incrassatis. Longitudo pedum 1:mi paris 16, 2:di 14, 3:iii $8\frac{1}{2}$, 4:ti 13 millim. Tibiæ pedum 4 anteriorum subtus aculeis longis appressis 2, 2, 2, 2, armatae, metatarsi saltem 2, 2, 2. Ungues duo tantum, breves, sat fortes, fortiter et æqualiter curvatæ, apice sat longo, subtus dentibus 4—6 (in pedibus 1:mi paris), exterioribus brevibus, erassisimis, obtusis armati. *Abdomen* inverse ovatum, c:a 6 millim. longum, $4\frac{1}{2}$ latum, basi truncatum, modice convexum, squamulæ et tuberculæ parvis vestitum, spinulisque crassis brevibus subclavatis sparsum, præsertim postice; venter squamulæ minoribus tectum, ordinibus duabus punctorum impressorum. *Vulva* ex fovea sat magna et profunda, antice rotundata, longius ante rimam genitalem sita constat. *Mamillæ* breves, inferiores et superiores articulis binis, 2:do minuto; inferiores conicæ et crassiores quam superiores, quæ cylindratae sunt; medii parvæ, angustæ, cylindratae.

Cephalothorax palpi, pedes et abdomen fusco- vel rufescenti-cinerea, clarius cinereo- et nigro-sub-variata, parte cephalica linea tenui media setisque illis duabus porrectis anticis albicantibus. *Mandibulæ* fuscae, *maxillæ* et *labium* testacea, basi nigro-fusca. Tarsi, excepto apice nigro, testacei; pedum 4 anteriorum patellæ apice au-

guste albicantes, tibiae supra ante medium macula plus minus distincta sub-cinerea; tibiae 4 posteriores fusco-testaceæ, basi nigrae; metatarsi 4 posteriores basi late et apice angustius nigri, præterea testacei. *Abdomen* cinereo-fuscum, granulis et spinulis clavatis albicantibus, rufescensibus et nigris variatum; venter cum *mamillæ* clavatis cinereo-testaceus, squamulis parvis ejusdem coloris tectus.

Femina adulta unica mihi cognita. Marem alias speciei ex Caffraria vidi. Sub-familiam propriam in familia Thomisoidarum hoc genus certe constituere debet, *Thomisinis* quidem proximam, sed forma partium oris et cephalothoracis, pedibus non vel parum »laterogradis» cet. ab iis satis distinctam

Gen. *Hemicleæ*¹⁾ N.

Cephalothorax oblongus, inverse sub-ovatus, valde depresso, fere planus, impressionibus cephalicis distinctis, clypeo humillimo, vix ullo, sternum oblongum, ante coxas anticas in peltam quasi vel collare dimidiatum productum.

Oculi 8, in duas series transversas, parallelas, appropinquantes ordinati; series postica longior.

Mandibulæ breves, sub-porrectæ, ungue tenui.

Maxillæ oblongæ, porrectæ, in medio lateris exterioris angustatæ; labium longum, angustum, sub-triangulum.

Pedes prop. 4, 2, 1, 3, cum palpis extus sub-incrassatis lateraliter extensi, genubus solo appressis, tarsis brevissimis, trochanteribus pedum 4:ti paris solito longioribus; unguis tarisorum bini, sat breves, fortiores.

Abdomen longius, valde depresso; mamillæ longiores, 6, superiores reliquis paullo longiores, ut inferiores articulis binis, 2:do brevi.

Vitæ degendæ ratio ignota.

Genus sub-familiae *Philodrominorum* adscribendum, *Selenopi* DUF. et *Delenæ* (WALCK.) satis propinquum, oculorum situ, pedum proportione, longitudine trochanterum 4:ti paris insolita, forma sterni, abdominis et unguium pedum cet. abunde distinctum.

¹⁾ ἡμι- semi-; κλοιός, collare.

H. Sundevallii n.

Nigro- vel piceo-fusca, mandibulis et palporum articulis duobus ultimis nigris, abdomine cinereo-fusco, subtus clariore. — ♀ ad., long. c:a 10½ millim.

Descr. ♀. — *Cephalothorax* oblongus, c:a 4 millim. longus, 3 millim. latus, inverse ovato-cordiformis, fronte late truncata, latitudine dimidiata partem thoracicam æquanti, hac parte in lateribus antice leviter, postice fortius rotundata; valde humilis, sub-planus, tenue et rarius pubescens, impressionibus cephalicis distinctis, ad foveam ordinariam mediam sub-triangulam, postice (inter coxas 3:ti paris) sitam coëuntibus: ab hac fovea tres aliae impressiones vel sulci utrinque abeunt radiantes, duæ longiores, curvatae anteriora versus, tertia retrodirecta. *Sternum* oblongo-ovatum, ante coxas 1:mi paris productum, apice ibi sub-dilatatum, late truncatum. *Ocolorum* series antica recta, ad ipsum marginem frontis sita; postica paullo recurva, multo longior. Oculi antici, quorum laterales mediis manifeste maiores sunt, inter se spatio sub-æquali distant, quod diametrum oculi maximi fere æquat; laterales postici, a lateralibus anticis spatio remoti, quod horum diametro duplo fere majus est, eadem fere sunt magnitudine qua medii antici; spatium inter oculos seriei posticæ etiam paullo majus quam quo distant laterales inter se; medii aream antice angustiorem, breviorem quam latiorem occupant; postici eorum reliquis oculis multo minores. *Mandibulae* sat parvæ, sed fortes, in dorso fortiter convexæ, breviter ovatae, porrectæ, crassitie tibiae 1:mi paris, 1 millim. longæ, ¾ millim. latæ, ungue mediocri, tenui, æqualiter curvato. *Maxilla* latitudine duplo longiores, ad basin pone insertionem palpi dilatatae, apice extus rotundato-dilatatae, apice intus oblique rotundato-truncatae, porrectæ et sub-parallelae, latere interiore sub-recto in labium paullo tamen inclinatae. *Labium* longum, angustum, sensim angustatum, apice rotundato-truncato, dimidia maxilla longius. *Palpi* crassitie metatarsorum anticorum, cephalothorace multo breviores (2½ millim.), extus sub-incrassatae, articulo tarsali supra magis convexo, obtuso, ungui parvo, tenui, extus fere in semi-circulum curvato, et dentibus paucis gradatim longioribus pectinato. *Pedes* breves, non robusti, tenuiter pilosi, aculeis paucis (2, 2, vel 2 ad basin) tenuibus subtus in tibiis et metatarsis armati: prop. 4, 2, 1, 3, (1:mi paris 9¾, 2:di 12, 3:ti 9, 4:ti 13½ millim. longi), tarsis brevissimis; 4:ti paris cephalothorace plus 3:plo longiores, trochanteribus coxis longis paullo tantum brevioribus, patellam longitudine æquantibus (coxa 4:ti paris 1½, trochanter 1¼, femur 3¾, patella 1¾, tibia 3, metatarsus 2¼, tarsus ¾ millim.); tarsi et metatarsi 4 anteriores scopula prædicti. Ungues formæ in Philodrominis insolita, sat fortes et lati, non valde longi, prope basin leviter sinuati, tum subæqualiter et fortiter curvati, interior dentibus spississimis longis c:a 18, exterior c:a 7 tantum (in pedibus 1:mi paris: in 4:ti paris, ubi debiliores sed non longiores sunt unguis, apice longiore et magis defexo, dentes pauciores sunt, præsertim in ungue interiore). Pili

scopularum breves, sub unguibus longiores quidem, sed (ut in gen. *Delena* et *Voconia*) non apice dilatati. *Abdomen* valde depresso, cephalothorace parum latius, longum, duplo circiter longius quam latius (ca 6 millim. longum, 3 latum), antice rotundatum vel sub-truncatum, postice sub-acuminatum, fusiformi-ovatum. *Vulva* ex area magna oblonga, antice rotundata et postice sensim paulo dilatata, truncata constat; antice in fundo membranam mollem transverse striatam monstrat; pars postica ejus cornea est, suleo medio longitudinali profundo, utrinque transverse leviter bis impressa et antice (ad membranam illam) subtriangulariter emarginata. *Mamillæ* longiores: superiores extus paulo incrassatæ, deorsum sub-curvatæ: art. 1:mus versus basin angustatus, latitudine maxima duplo saltem longior, 2:dus diametro sua brevior, apice late et oblique truncato; inferiores dimidio fere breviores, sed non angustiores quam superiores, sub-cylindratae, apice obtuso; medie multo angustiores et breviores, cylindratae, in apice truncatae.

Cephalothorax nigro-piceus. *Mandibulae* nigræ, ungue extus rufescenti. *Maxillæ* et *labium* nigro-fusca. *Sternum* piceo-fuscum, margine anguste nigro. *Palpi* picei, articulis duobus ultimis nigris. *Pedes* quoque piceo-fusci, posteriores interdum paulo clariores, testaceo-fuscae; anteriores apice nigricantes. *Abdomen* supra cinereo-fuscum vel fuligineum, subtus paulo clarus, vulva postice fusca. *Mamilla* fusca. In ♀ juniore, æque fere magna atque adulta, corpus fere totum cinereo-testaceum est, mandibulis paulo obscurioribus, oculis maculis nigricantibus insidentibus et sterui margine anguste nigricanti.

Feminas tres, duas adultas, tertiam juniom possideo.

Gen. *Voconia*¹⁾ N.

(*Delena* WALCK. ad partem).

Cephalothorax æque circiter longus atque latus, deplanatus, clypeo humillimo.

Oculi in series duas transversas, parallelas dispositi: series postica longior, antica recta vel paulo procurva; spatium inter oculos 4 anteriores, quorum laterales paulo maiores sunt quam medii, oculi maximi diametrum non superat.

Mandibulae fortes, ovatae, in dorso convexæ.

Maxillæ oblongæ, extus rotundatae, in *labium* sub-semicirculare, apice truncatum paulo inclinatae.

Pedes longi, robusti, scopula densa et lata prædicti; 4 posteriores vix graciliores, sed breviores quam 4 anteriores; unguis

¹⁾ *Voconius*, nom. propr.

2, parvi, longi, angusti, ad maximam partem sub-recti, dentibus multis (saltē in ungue interiore) pectinati.

Abdomen oblongius, non valde depresso.

Vitæ degendæ ratio ignota.

Genus a *Delena* (WALCK.) oculorum situ et distantia inter se præcipue distinctum.

V. insignis N.

Nigro-fusca, cephalothorace ad margines præsertim pilis cinereis variato, femoribus cinereis, supra nigro-maculatis, tibiis anterioribus annulo medio lato cinereo, non in lateribus tantum, sed etiam supra aculeatis; abdōmine luteo- vel ferrugineo-cinereo, supra vittis irregularibus transversis alternantibus fuscis et luteo-cinereis. — ♂♀ ad.; long. ♀ c:a 38, ♂ c:a 23 millim.

Descr. ♀. — *Cephalothorax* inverse orbiculato-cordiformis, æque longus ac latus (plus 13 millim.), fronte truncata, vix altiore quam diameter oculorum anteriorum, dimidia parte thoracica paullo latiore (c:a 7½ millim.); humilis valde, fere planus, impressionibus cephalicis distinctis, linea media tenui impressa per partem cephalicam ducta, sulco medio ordinario angusto longo, a parte cephalica fere ad marginem cephalothoracis posticum pertinenti; dense appresso-pubescentes, ad margines omnes longius pilosus. *Sternum* rotundato-ovatum, æquale, planum. *Oculi* in duas series parallelas dispositi; series antica, a margine clypei spatio remota, quod dimidiā oculorum diametrum vix æquat, parum procurva, fere recta; postica, in latere superiore capitis locata, recta, longior. Oculi laterales, extremitatibus calli obliqui impositi, inter se spatio distant, quod diametro oculi saltē dimidio majus est; medii postici reliquis multo minores sunt, laterales antica paullo majores quam medii antica et laterales postici; medii 4 aream posticem latiorem occupant, quæ area paullo latior (postice) est quam longior. Spatiū inter oculos 4 anteriores diametrum oculi maximi non æquat, inter 4 posteriores vero haec diametro duplo vel (inter posticos medios et laterales) ultra majus est. *Mandibulae* fortes, ovatae, sub-porrectæ, latitudine = $\frac{2}{3}$ longitudinis (6 millim.), in dorso fortius, in lateribus levius convexæ, sulco unguiculari in margine interiore dentibus 3, in exteriore 1, armato, his dentibus fortibus, brevibus, conicis; unguis magnus, fortis, æqualiter curvatus. *Maxillæ* basi angustatae, in latere exteriore rotundatae, apice intus late truncatae, in labium parum inclinatae, convexæ, non impressæ. *Labium* fere semi-circulare, longitudine dimidiæ maxillæ, apice ipso truncato. Omnes hæ partes pilis longioribus villosæ. *Palpi* cephalothorace longiores (c:a 16½ millim.), metatarsis anticus paullo crassiores, parte tarsali paullo curvata, cylindrata, apice ro-



tundato. *Pedes* longi, robusti, sensim paullo attenuati, prop. 2, 1, 4, 3; 2:di paris cephalothorace plus 5:plo longiores (69 millim.: femur 18 $\frac{2}{3}$, patella 8 $\frac{1}{2}$, tibia 17 $\frac{1}{2}$, metatarsus 18 $\frac{1}{2}$, tarsus 4 millim. longus; 1:mi paris 60 $\frac{1}{2}$, 3:tii 49, 4:ti 50 $\frac{1}{2}$ millim.), dense pubescentes et pilis longis villosi, aculeis multis appressis armati; femora supra et in lateribus, tibiæ præsertim subtus et in lateribus aculeata (in pedibus 1:mi paris e. g. femur antice aculeum 1, supra 1, 1, postice 1, 1, 1 ostendit; tibiæ 1:mi (et 2:di) paris antice 1, 1, supra 1, 1, postice 1, 1, infra 2, 2, 2 aculeos habent — an ita semper?); metatarsi et tarsi scopula valde lata et densa e pilis longis formata instructi. *Abdomen* oblongum (c:a 22 millim. longum, 18 millim. latum), supra modice convexum, antice sub-truncatum, posteriora versus sub-dilatatum, inverse sub-ovatum, dense pilosum. *Vulva* ex fovea magna cornea, semi-elliptica, postice truncata, non profunda, fundo fere plano, impressionibus paucis inæquali constat. *Mamillæ* superiores sat breves, basi angustiores, sub-clavatae, articulis 2, 2:do brevissimo; inferiores iis paullo breviores et angustiores, conicæ, art. 2:do brevi, oblique truncata; mediae multo minores, sub-cylindratae.

Cephalothorax in fundo nigro-fuscus, pube densa fusca vestitum, præsertim versus margines cinereo-variatus. *Mandibulæ* nigræ, dense cinereo-pubescentes, cum *sterno*, *maxillis*, *labio* et *coxis* nigro-fuscis ferrugineo- vel luteo-pilosæ, in apice ad sulcum unguicularem, ut et *maxillæ* apice, longius rufo-pilosæ. *Abdomen* supra fuscum, maculis et striis inæqualibus et incongruentibus ferrugineo-cinereis densis variato, ita tamen, ut vitta clarior angusta in medio antice (in ♀ saltem) et fasciæ quædam transversæ, confusæ, versus anum sensim angustiores distingui possint. Latera abdominis ferrugineo-cinerea, dense fusco-strigosa. *Venter* cum *mamillis* ferrugineo-cinereus, vulva fusco-ferruginea.

Mas paullo minor (long. et lat. cephalothoracis c:a 11, long. abdominis 12, lat. ejus 7 $\frac{1}{2}$ millim.), pedibus longioribus et gracilioribus, 2:di paris cephalothorace plus 6:plo et dimidio longioribus (1:mi paris 60, 2:di 71, 3:tii 47, 4:ti 48 $\frac{1}{2}$ millim. longis); mandibulis minoribus (crassitie femorum 1:mi paris), minus convexis. *Palpi* cephalothorace fere dimidio longiores: pars patellaris cylindrata, vix longior quam latior, tibialis et parum longior, extus sensim incrassata, apice lateris exterioris in spinam producto fortem, acuminatam, supra ad longitudinem excavatam, apice spinæ sub-intorto et incurvo. Pars tarsalis sive lamina femore 1:mi paris paullo latior, paullo brevior quam patella ejusdem paris, oblongo-ovata. *Bulbi* superficies inferior primum (ad basin) formam fere auris humani dimidiati præ se fert, tum (ad apicem helice magna, gyris saltem decem occupatur, quæ helix ex seta omnium longissima et pulcherrime involuta formata est.

Specimen adultum utriusque sexus possideo. *Delenæ immani* L. KOCH¹⁾ valde affinis hæc species certe est; aculei vero

¹⁾ Beschr. neuer Arachn. u. Myriap., in Verhandl. der zool.-bot. Gesellsch. in Wien, 1867, p. 36 (208).

pedum non ut in illa sunt ordinati, et color quoque paullo diversus videtur.

Heteropoda (LATR.) 1804¹⁾.

(*Sarotes* (SUND.), *Olios* (WALCK.), *Ocypete* (C. KOCH)).

1. *H. calligaster* N.

Ferrugineo-testacea, fusco-sub-variata, cephalothorace alte convexo, partibus oris nigris, femoribus subtus flavo-punctatis, tibiis subtus nigris, fascia media et apicali flavis vel albicantibus; venter linea nigra transversa ante rimam genitalem et pone eam macula magna, sub-transversa, semi-lunata vel sub-triangula atra. — ♂♀ ad. Long. ♀ c:a 21, ♂ c:a 18 millim.

Deser. ♀. — *Cephalothorax* valde et æqualiter convexus, tenue pubescens, dorso alte arcuato, impressionibus cephalicis nullis, sulco medio ordinario angusto, paullo pone centrum orienti, vix $1\frac{1}{2}$ millim. longo; in lateribus æqualiter rotundatus, paullo longior (8 millim.) quam latior (7 millim.), fronte lata ($4\frac{2}{3}$ millim.), rotundato-truncata. *Sternum* cordiforme. *Oculi* in series duas, extremitatibus paullo appropinquantes dispositi; anterior paullulo procurva, (in junioribus recta), posterior, quæ longior est, ab antice visa, procurva, desuper visa, recta. Oculi seriei anterioris inter se æque distantes, diametro oculorum lateralium anteriorum, qui mediis anticis parum majores sunt, inter se remoti. Clypeo altitudo diametrum oculi non superat. Oculi medii postici, reliquis minores, inter se spatio distant, quod oculi diametro plus duplo majus est; spatium inter eos et laterales posticos, qui mediis anticis paullo minores sunt, etiam paullo majus. Oculi laterales callo obliquo humili communi impositi, et inter se spatio remoti, quod oculi maximi diametrum saltem æquat; 4 medii aream occupant antice angustiorem, paullo latiorem quam longiorem. *Mandibule* fortes, ovatae, c:a $3\frac{2}{3}$ millim. longæ, $2\frac{1}{3}$ latæ, femoribus multo (fere duplo) crassiores, in dorso convexæ, pilosæ, sulco unguiculari in margine interiore dentibus 3, in exteriore 2, sat parvis, inæqualibus, conicis armato. *Unguis* medioeris, fortis, æque curvatus. *Maxillæ* oblongæ, versus basin angustatæ, in latere exteriore et apice rotundatae, circa labium paullo curvatæ et sub-inclinatae, convexæ, non impressæ. *Labium* transversum, dimidia maxilla brevius, apice rotundatum. *Palpi* c:a $8\frac{1}{2}$ millim. longi, articulo tarsali versus apicem paullulo incrassato, obtuso. *Pedes* prop. 2, 1, 4, 3 (1:mi paris 27, 2:di $29\frac{1}{2}$, 3:tii 21, 4:ti $23\frac{1}{2}$ millim. longi), minus robusti, breviores, 2:di paris cephalothorace paullo plus 3:plo et dimidio longiores (femur $7\frac{1}{2}$, patella $3\frac{1}{2}$, tibia $6\frac{1}{2}$, metatarsus 7, tarsus 2 millim.), dense pubescentes, pilosi, aculeis armati: femora supra (1, 1) et in

¹⁾ Conf. THORELL, On European Spiders, pp. 173—174, 177—179.

lateribus aculeati, tibiae 4 posteriores in lateribus et subtus tantum, 4 anteriores aculeo 1 supra quoque, ad basiu (an semper ita?). Metatarsi et tarsi scopula densa prædicti. *Abdomen* brevius ovatum (ca 12 millim. longum et 10 millim. latum), satis convexum. *Vulva* ex impressione fere V- vel postius Y-formi, callo corneo, postice abrupto limitata, constat. *Mamillæ* superiores angustæ, cylindratae, inferioribus paullo longiores, inferiores sub-conicæ, articulo 2:do in utrisque brevi.

Cephalothorax ferrugineo-testaceus, strigis vel lituris parvis fuscis præsertim versus latera plus minus distincte sub-variatus. *Sternum* fuso-testaceum. *Mandibulæ* nigrae, longius fulvo-pilosæ; *maxilla* et *labium* quoque nigra, illæ apice testaceæ et ibi pilis longissimis fulvis vestitæ. *Pedes* ut *palpi* fusco- vel ferrugineo-testacei, metatarsis tarsisque fuscionibus; coxae subtus stria vel macula cinerea, femora subtus dense flavo-punctata, patellæ subtus argenteæ, summo apice nigro, tibiæ supra in medio infuscatis, subtus nigrae, vitta transversa media et apicali latis, pulchre flavis, in pedibus posterioribus albidis. *Abdomen* ferrugineo- vel luteo-testaceum, maculis parvis clarioribus punctisque nigris (quorum duo paullo majora pone medium dorsi plerumque conspicuntur) in dorso plus minus distincte variatum, interdum sub-unicolor; venter lineam nigram transversam angustum ante vulvam, et pone eam maculam magnam transversam, postice rotundatam aut acuminate, atram exhibit: ab hac macula ad mamillas fascia lata media aurantia ducta est; apud eam linea vel macula flava obliqua et pone hanc alia linea obliqua nigra utrinque plerumque conspicuntur. *Mamillæ* testaceaæ.

♂ *adultus*. — *Cephalothorax* (9 millim. longus, 8 millim. latus) minus altus quam in femina, strigis parvis fuscis dense variatus; clypeus æque altus ac diameter oculorum. *Mandibulæ* angustiores et longiores (5 millim. longæ, 2½ millim. latæ). *Palpi* 10 millim. longi; pars patellaris æque longa ac lata, tibialis ea paullo longior, fusca, extus dilatata, et in apice lateris exterioris calcari fortissimo, fere falciformi, nigro, glabro, deorsum curvato, extus compresso et dilatato, apice breviter acuminato armata. *Lamina* bulbi parum latior quam femur 1:mi paris, latitudine duplo longior, oblongo-ovata, nigro-fusca; superficies bulbi subtus ad basin in callum latum, in gyrum curvatum et ad longitudinem exaratum elevata est, antice vero helicem gyris ca 5, ex seta longa formatam exhibit. *Pedes* longiores: 2:di paris cephalothorace fere 4:plo longiores (34 millim.; 1:mi paris 33, 3:tii 25, 4:ti 27 millim.); femora supra dense cinereo- et fuscopunctata; tibiæ 4 anteriores supra aculeis 1, 1, posteriores 1 (versus apicem) armatae. *Abdomen* angustius ovatum, long. 8½, latit. 6 millim., vitta aurantia pone maculam magnam atram minus manifesta. Præterea in marem convenit descriptio feminæ.

Tria exempla, duo feminea et unum masculum, possideo.

2. *H. Pesslerii* n.

Rufo- vel ferrugineo-fusca, mandibulis rufo-piceis, femore non crassioribus, sterno, maxillis, labio et coxis anterioribus subtus, nigris; abdome supra luteo-fuscum, subtus clarius, linea transversa nigra pone vulvam. — ♀ ad., long. c:a 20 millim.

Descr. ♀. — *Cephalothorax* æque longus atque latus (c:a 8½ millim.), modice convexus, dorso leviter tantum arcuato, tenuerat minus dense pubescens, impressionibus cephalicis ad latera manifestis, sulco medio ordinario angusto, a centro cephalothoracis initium capienti, longiore (fere 2½ millim.); parte cephalica humili, sub-plana, fronte lata (5 millim.), rotundato-truncata, parte thoracica in lateribus æqualiter et fortiter rotundata. *Sternum* ovato-cordiforme. *Oculorum* series fere parallellæ, vix extremitatibus appropinquantes, ab antice visæ parum procurvæ, desuperne visæ rectæ, postica longior; clypei altitudo diametrum oculi maximi non æquat. Oculi medii seriei posticæ, reliquis duplo fere minores, inter se spatio distant quod oculi diametro plus duplo majus est; spatium inter eos et laterales posticos, qui mediis anticis paullo minores sunt, etiam paullo majus. Oculi laterales, callo obliquo impositi, inter se spatio remoti, quod oculi maximi diametrum superat; 4 medii aream occupant antice angustiorem, vix latiorem quam longiorem. Oculi seriei antice inter se propius absunt quam diametro oculorum mediorum, qui manifeste minores sunt quam laterales. *Mandibulae* ovatae (3½ millim. longæ, 2½ latæ), femore antico non crassiores, in dorso modice convexæ, dense pubescentes; sulco unguiculari utrinque longe piloso, in margine interiore dentibus 3, in exteriori 2, brevibus, obtusis armato. *Unguis* mediocris, æqualiter curvatus. *Maxilla* ovatae, lateribus sub-rectis, in apice rotundato ciliis valde longis instructæ, in labium paullulo inclinatae. *Labium* sub-transversum, fere semi-circulare, apice tamen truncato, dimidia maxilla multo brevius. *Palpi* cephalothorace parum longiores (9 millim.), articulo tarsali sub-incrassato, paullo curvato, obtuso; pilosi et aculeati, dense pubescentes. *Pedes* prop. 2, 1, 4, 3 (1:mi paris 31½, 2:di 33½, 3:tii 25, 4:ti 27½ millim.), 2:di paris cephalothorace fere 4:plo longiores (femur 9½, patella 4½, tibia 7½, metatarsus 8½, tarsus 2½ millim.), pube longiore sat densa sericea et pilis longioribus vestiti, aculeisque armati: femora supra (1, 1) et in lateribus aculeati, tibiæ quoque non tantum in lateribus et subtus, verum etiam supra (1, 1 in pedibus 4 anterioribus; 1, apicem versus, in 4 posterioribus) aculeati. Metatarsi et tarsi scopula densa prædicti. *Abdomen* ovato-sub-pentagonum, antice truncatum, postice paullo latius, parum convexum. Vulva ex area cornea oblonga, inverse sub-ovata, antice acuminata, sulco et callo limitata, in medio leviter et late excavata constare videtur. *Mamillæ* superiores cylindratae, inferiores, qui paullo breviores et crassiores sunt, sub-conicæ, articulo 2:do in utrisque brevi.

Cephalothorax, *palpi* et *pedes* rufesceni-fusci, pube et pilis clarioribus sub-luteis tecti: aculei nigri. *Mandibulæ* rufo-piceæ, luteo-pilosæ, apice rufo-ciliatæ. *Sternum*, *maxillæ* et *labium* atra, illæ in apice sub-testaceo rufo-ciliatæ, præterea cum sterno fuligineo-pilosæ. *Coxæ* quoque anticæ subtus totæ, reliquæ ad basin, antice, nigræ. Femora anteriora *subtus* cinereo-, reliqua magis luteo-, pubescentia; patellæ subtus dense albido-pubescentes, tibiæ subtus ad basin et apicem late nigro-fuscæ, in medio dense albo-pubescentes. *Abdomen* supra testaceo- vel luteo-fuscum, sub-fuligineum, unicolor; venter luteus, linea nigra transversa secundum rimam genitalem ducta; vulva fusa.

♂ ignotus. — Feminam unicam cognovi.

Fam. LYCOSOIDÆ.

Gen. *Tarentula* (SUND.) 1833.

T. Leuckartii N.

Fusco-cinerea, cephalothoracis margine striisque novem radiantibus, his postice fusco-marginatis, albicantibus; cephalothorace longitudine patellæ et tibiæ 4:ti paris conjunctim, serie oculorum 1:ma, quorum medii majores sunt quam laterales, breviore quam 2:da; abdomine supra fusco-cinereo, macula sub-hastata fusca antice, tum ordinibus duabus ex maculis parvis albicantibus antice nigro-marginatis, linea transversâ angulatâ fusca vel albâ binis sub-conjunctis; ventre nigro-fusco, plaga media clariore. — ♀ ad., long. c:a 28 millim.

Deser. ♀. — *Cephalothorax* c:a 12 millim. longus, 9 millim. latius, longitudine patellæ et tibiæ 4:ti paris conjunctim, deuse appresso-pubesces, lateribus partis thoracicæ leviter rotundatis, dorso longo fere recto, inter oculos posteriores paullo tantum, postice vero modice declivis, fronte perpendiculari; latit. clypei c:a 5 millim., altitudo ejus non major quam diameter oculorum antierorum mediorum. Series oculorum 1:ma brevior quam 2:da, sub-procurva; oculi ejus medii manifeste majores quam laterales; omnes inter se spatio sub-æquali et diametrum oculi minimi haud æquanti distantes, et ab oculis seriei mediæ spatio remoti, quod hanc diametrum vix æquat: oculi seriei 2:dæ duplo minores quam seriei 3:tiæ, et manifeste majores quam medii seriei 1:mæ; oculi 4 posteriores aream postice paullo latiorem occupant, paullo breviorem quam latiorem, longitudine paullo plus $\frac{2}{3}$ longitudinis cephalothoracis æquantem. *Sternum* sub-ellipticum, antice rotundatum, postice acuminatum, 1 millim. longius quam latius. *Mandibulæ* crassitie femorum anteorum, tarso 4:ti paris paullulo longiores (5 millim. longæ, $2\frac{1}{2}$ latæ), modice con-

vexæ, sulco unguiculari in margine interiore dentibus 3 sub-æqualibus, in exteriore 2 inæqualibus armato; ungue forti, mediocri ($2\frac{1}{2}$ millim.). *Maxillæ* oblongæ, extus dilatatae, circa labium curvatae, at porrectæ, apice intus oblique truncato, convexæ; *labium* basi angustatum, apice late truncatum. *Palpi* crassitie metatarsorum, cephalothorace breviores ($11\frac{1}{2}$ millim.), ut pedes pube densa vestiti, pilosi et aculeati. *Pedes* satis robusti, prop. 4, 1, 2, 3 (1:mi paris $34\frac{1}{2}$, 2:di 32, 3:tii $30\frac{1}{2}$, 4:ti $40\frac{1}{2}$ millim.); 4:ti paris (eujus femur $9\frac{1}{2}$, patella 4, tibia 8, metatarsus 11, tarsus 5 millim. fere æquat) cephalothorace $3\frac{1}{3}$ longiores. *Abdomen* inverse ovatum, in exemplo uno lustrato longitud. 15, latit. $10\frac{1}{2}$ millim.; vulva constat ex fovea parva oblonga, antice paullo angustiore et apice bis rotundata, quæ costa media longitudinali in duas dividitur.

Cephalothorax in fundo piceus, pube densa appressa fusco-cinerea vestitus, margine undique anguste (postice vero paullo latius) et stria media in declivitate postica albicantibus; striis præterea obliquis, utrinque 4, 1 in parte cephalica, reliquis in parte thoracica, a dorso versus coxas radiantibus, iis quoque albicantibus, postice nigro- vel fusco-marginatis. *Sternum* nigro-fuscum, fusco-pilosum. *Mandibulae* nigræ, dorso e pube densa, appressa oblique cinereo-flavo, intus vero et ad apicem atro. *Maxillæ* et *labium* nigra, illæ, apice præsertim, fusco-pilosæ. *Palpi* et *pedes* supra pube densa fusco-cinerea tecti, parte tarsali illarum subtus fusciore, coxae (et trochanteres) subtus nigro-piceæ, fusco-pubescentes, tibiæ 3:tii et interdum 4:ti paris apice late subtus infuscatae. *Abdomen* supra pube densa fusco-cinerea tectum, pictura fere ut in *T. fabrili*: antice adest macula magna oblonga, posteriora versus sub-dilatata et ibi apice emarginata, sub-hastata, tum utrinque series ex maculis parvis albicantibus, antice nigro-marginatis, versus anum descrescentibus; inter has maculas binas lineæ transversæ angulatae fuscæ, postice albicanti-marginatae, plus minus distinctæ conspiciuntur; latera abdominis, infra clariora, cinereo-testacea sunt; venter totus, excepto plaga media inæquali clariore, cum mamillis nigro-fuscis.

Feminas duas adultas possideo. — *Mas ignotus*.

[Ed. 9 Nov. 1870.]



Skänker till Vetenskaps-Akademiens Bibliothek.

(Forts. från sid. 366.)

Fran Zoologisch-Mineralogischer Verein i Regensburg.

Correspondensblatt, Jahrg. 23.

Fran K. K. Hof-Mineralienkabinet i Wien.

29 småskrifter af mineralogiskt innehåll.

Från Nordamerikanska Förenta Staternas konsulat i Stockholm.
Rapport från General Land-kontoret, 1867. Washingt. 1869. 8:o.

Från Hr G. H. Strähle på Rörstrand.

HAWKS, F. L. Narrative of the expedition of an American Squadron to the China seas and Japan, 1852—1854, under the command of commodore M. C. PERRY, Vol. 1—3. Washingt. 1856. 4:o.

Från Hrr Samson & Wallin i Stockholm.

Jägarförbundets nya tidskrift, Årg. 7.

Från Författarne.

BJÖRLING, E. G. Elementar-lärobok i Algebra. 8:o uppl. D. 2: 2.
WITTROCK, V. W. Om Fanerogam- och Thallogam-vegetationen i Skandinaviens Ilex-region. Ups. 1869. 8:o.
SETTIMANI, C. D'une seconde nouvelle méthode pour déterminer la parallaxe du soleil. Florence 1870. 8:o.

Skänker till Rikets Naturhistoriska Museum.

Zoologiska afdelningen.

Af Jägmästaren Bohman.

En Ardea stellaris från Öland.

Af Hr Th. Bäckström.

En Strix tengmalmi.

Af Jägmästaren Hollgren genom Hr A. E. Holmgren.

En Aquila nævia fr. Nyköpings skärgård.

Af Conservatorn W. Meves.

12 st. sällsynta foglar från Skåne, Öland m. m.

17 st. fogelbon.

104 st. foglar, mest från N.V. Ryssland (Petersburg—Archangel); men deribland några från Östra Siberien, erhållna i Petersburg, och en *Chionis alba* från Cap Horn, erhållen i Helsingfors. Vidare 2:ne Harar, 1 fogelskelett samt några Reptilier m. m. från N.V. Ryssland.

Af Hr C. G. Erichsson.

En Vipera berus från Upland.

Af Österrikiske Forst-Director Baron Wilh. von Berg.

En Capra rupicapra från Alperna.



